



RESOLUCION

Co obxectivo de favorecer que as familias de Pazos de Borbén poidan conciliar a vida laboral e familiar durante as vacacións de Nadal, e coa finalidade de que os/as menores gocen do seu tempo libre dunha forma lúdica e educativa diferente e habitual, o Concello de Pazos de Borbén organiza a actividade “Campamento de Nadal 2023” que se desenvolverá durante os días 22, 26, 27, 28, 29 de decembro e o 2, 3, 4 e 5 de xaneiro en horario de 9:00 a 14:00 horas.

En consecuencia, en aplicación das competencias municipais a que fan referencia os artigos 25.2 l) e 25.2 o) da Lei 7/1985 de 2 de abril, reguladora das bases de réxime local e das competencias que me corresponden en aplicación do artigo 21 do mesmo texto legal,

RESOLVO

PRIMEIRO.- Aprobar a convocatoria e as seguintes bases:

BASES QUE REXEN A CONVOCATORIA PARA PARTICIPAR NA ACTIVIDADE “CAMPAMENTO DE NADAL 2023”

1. Obxeto

O Concello de Pazos de Borbén a través do Departamento de Servizos Sociais organiza a actividade de “Campamento de Nadal 2023”, coa finalidade de favorecer a conciliación persoal, familiar e laboral das familias en época non lectiva, ofrecendo unha alternativa de lecer e tempo libre que axude a fomentar o desenvolvemento integral dos/as participantes a través da educación en valores dunha maneira lúdica, e que incluíra un módulo relacionado coas políticas de igualdade e a prevención da violencia de xénero.

2. Prazas

O número de prazas cos que conta o “Campamento de Nadal 2023” este ano será de 30 para todo o campamento.

3. Persoas destinatarias

Poderán solicitar a participación no “Campamento de Nadal 2023”:

- Nenos e nenas nados entre os anos 2012 e 2020 (deberán estar escolarizados entre 1º curso de infantil e 6º curso de primaria)
- Preferentemente nenos empadroados no concello de Pazos de Borbén, cuxos proxenitores/titores precisen conciliación laboral e/ou familiar:





- o Estar traballando.
 - o Ter persoas dependentes ao seu cargo.
 - o Realizar un curso de formación.
 - o Atoparse en situación de vulnerabilidade.
- Nenos e nenas empadroados/as que, cumprindo co baremo de idades requerido para participar nesta actividade, os seus proxenitores/titores non se atopen en ningunha das situación anteriormente descritas.

As persoas non empadroadas no concello de Pazos de Borbén poderán presentar as solicitudes e quedarán nunha lista de agarda, e se hai prazas vacantes no momento de finalización do prazo de inscrición, acudirase para a súa adxudicación aos criterios recollidos nas presentes bases.

Os/as menores con necesidades educativas especiais (NEE) ou que teñan unha discapacidade igual ou superior ao 33% poderán participar nesta convocatoria sempre que teñan capacidade de integración nun grupo e que as súas necesidades especiais lles permitan participar e beneficiarse das actividades que se van desenvolver, o que deberá ser acreditado mediante informe médico, educativo ou social.

4. Data, horario e lugar de celebración

O “Campamento Nadal 2023” desenvolverase nas instalacións do Centro Escolar Curros Enríquez no lugar de Pazos, concello de Pazos de Borbén.

As datas de celebración do mesmo irán dende o 22 de decembro ata o 5 de xaneiro en horario de luns a venres (agas festivos) en horario de 9:00 a 14:00 horas.

O período de tempo que o usuario/a pode solicitar para participar nesta actividade será polo total do campamento, os 9 días. Non se admitirán solicitudes por un período diferente ao anteriormente descrito.

5. Inscricións

As persoas interesadas en participar na actividade de “Campamento de Nadal 2023” deberán presentar a solicitude (anexo I) debidamente cumplimentada e asinada xunto coa documentación requerida de acordo co punto 7 destas bases, desde o día seguinte á publicación destas bases ata as 14:00 horas do día 20 de decembro de 2023.





Soamente se poderán presentar presencialmente no Rexistro Xeral do Concello de Pazos de Borbén en horario de 9:00 a 14:00 horas, ou vía sede electrónica a través de instancia xeral adxuntando a documentación correspondente (<https://pazosdeborben.sedelectronica.gal/info.0>)

Os impresos estarán disponibles no departamento de Servizos Sociais do concello ssocial@pazosdeborben.org, na páxina web e no taboleiro de anuncios da sede electrónica.

Todas as solicitudes que estén incompletas e/ou se entreguen fóra deste prazo non serán admitidas.

6. Prezo da actividade

A actividade “Campamento de Nadal 2023” está subvencionada polo Pacto de Estado. Os interesados non terán que abonar nada en concepto de inscrición.

7. Documentación necesaria para formalizar a solicitude

Obligatoriamente terase que presentar a seguinte documentación:

- Ficha de inscrición para formalizar a solicitude (Anexo I)
- Cobertura do impreso de autorización para a captación de imaxes
- Cuestionario de saúde e autonomía persoal.
- Documento de relación de persoas autorizadas para a recollida dos/das menores.
- Fotocopia do DNI do proxenitor/tutor.
- Fotocopia do libro de familia.
- Fotocopia da declaración do IRPF correspondente ao ano 2022, ou de ser o caso xustificantes de ingresos relativos ao ano 2022 dos membros que forman a unidade familiar.
- Volante de convivencia do menor.

Dependendo da situación laboral na que se atopen os/as proxenitores/titores:

- Certificado de empresa ou copia da vida laboral actualizada, para traballadores por conta allea ou en situación de suspensión temporal do contrato de traballo (ERTE).





- Copia do último resgardo do pago do seguro social de réxime especial de traballadores autónomos (RETA), para traballadores autónomos.

Dependendo da situación familiar ou persoal na que se atopen os/as proxenitores/titores:

- Resolución administrativa acreditativa da situación de dependencia ou informe de Servizos Sociais, cando se teña ao seu cargo a unha persoa dependente.
- Xustificante de matrícula, que inclúa horario e datas de realización do curso, no caso de proxenitores/titores que estean a realizar un curso de formación.
- Informe de Servizos Sociais, cando os proxenitores/titores estén incursos nunha situación de especial vulnerabilidade.

Documentación a presentar, de ser o caso:

- Fotocopia do título de familia numerosa.
- Fotocopia do certificado de familia monoparental.
- Fotocopia do certificado de discapacidade do menor.
- Informe médico do menor, no que se indique enfermidades, alerxias, medicacións.
- Fotocopia da sentenza de divorcio e /ou convenio regulador.

8. Procedemento de adxudicación de prazas

A adxudicación de prazas é directa, sempre que as solicitudes avaliadas estén completas e cumpran os requisitos mínimos establecidos no punto 3 destas bases, e non se supere o número de prazas ofertadas.

No suposto de que o número de solicitudes que cumpran os requisitos mínimos establecidos no punto 3 destas bases, supere o número de prazas ofertadas aplicarase o criterio económico, menor nivel de renda correspondente coa declaración do IRPF do ano 2022.

O listado de beneficiarios publicarase o día 21 no taboleiro de anuncios do concello e na sede electrónica do mesmo <https://pazosdeborben.sedelectronica.gal/info.0> .

O xoves 21 de decembro confirmarase telefónicamente ás familias beneficiarias da adxudicación da plaza.





9. Publicidade da actividade

As bases que rexen esta convocatoria, xunto cos anexos estarán a disposición das persoas interesadas no Departamento de Servizos Sociais do concello de Pazos de Borbén, na páxina web do concello e na sede electrónica do concello <https://pazosdeborben.sedelectronica.gal/info.0>

Para máis información: Concello de Pazos de Borbén en horario de 9:00 a 14:00 horas, no teléfono 986497035 e no correo electrónico ssocial@pazosdeborben.org.

SEGUNDO.- Ordenar a súa publicación no taboleiro de anuncios dixital do concello a efectos de que comece o cómputo do prazo para a presentación de solicitudes polos interesados.

TERCEIRO.- Dar traslado ao departamento de Servizos Sociais aos efectos oportunos.

CUARTO.- Dar conta ao Pleno na seguinte sesión ordinaria que se celebre.

